

Rapport dalla seduta dil cussegl da vischnaunca dils 7 da zercladur 2017

A caschun dalla sura numnada seduta ha il cussegl da vischnaunca priu differentas decisiuns.

1. Approbaziun dil protocol dalla seduta dil cussegl dils 24 d'avrel 2017

Il protocol ei vegnius tarmess allas cusseglieras ed a tuts cussegliers. Il vice-president dil cussegl suttametta el alla discussiun. Da tala vegn buca fatg diever. Cun duas pintgas midadas redacziunalas vegn il protocol approbaus unanim.

2. Damonda da credit: sanaziun habitaziun pedel Breil (frs. 40'000.00)

Clau Schlosser informescha il cussegl sur dalla necessitad da replazzar la cuschina dalla habitaziun dil pedel, sco era la sanaziun dil tetg o sin il balcon. Sin las damondas sa vegnir rispundi.

Cun tscharna unanima decida il cussegl da conceder il credit da frs. 40'000.00 per la sanaziun dalla habitaziun dil pedel.

3. Approbaziun contract da fusiun denter Breil/Vuorz/Andiast

Il messadi sco era il contract da fusiun ein vegni tarmess ensemen cun l'invitaziun a tuts commembers dil cussegl, aschia che tuts han giu la pussevladad da studegiar tal. Il president communal, Clau Schlosser, menziunescha ils puncts principals da quei contract e dat sclariment giudlunder.

Sin las damondas sa vegnir dau risposta. Propostas per midadas dat ei neginas.

Il cussegl approbescha il contract da fusiun cun tscharna unanima e senza resalvas per mauns dalla votaziun all'urna dils 25 da zercladur 2017. Il cussegl recamonda alla populaziun dad era approbar quei contract sco presentaus.

4. V a r i a

Il vice-president dil cussegl, Pascal Derungs engrazia per la presenza e la buna collaboraziun e siara la seduta dallas 20:30 uras.

Breil, ils 8 da zercladur 2017

Suprastonza communal Breil

Votaziun dils 25 da zercladur 2017

Il cussegl da vischnaunca sco era la suprastonza communal recamondan alla populaziun d'approbar il contract da fusiun denter Breil/Vuorz/Andiast.

Suprastonza communal Breil

Annunzia sezs da catscha sin territori dalla vischnaunca da Breil

La suprastonza communal ed igl uffeci forestal da Breil supplicheschan catschaduras e catschadurs d'annunziar entochen la **fin zercladur 2017** lur sezs da catscha.

Ils sezs da catscha ein d'annunziar cun il formular „damonda per la construcziun d'in agid da catscha“. Il formular corrispundent san ins retrer sin la pagina d'internet dalla vischnaunca da Breil sut www.breil.ch . Medemamein san ins retrer las directivas per la construcziun da sezs da catscha sin nossa pagina d'internet.

Sin la fin digl onn 2017 duessan ils sezs da catscha esser registrai e digitalisai. Silsuenter vegnan sezs da catscha ch'ei buca vegni annunziar allontanai.

Per l'annunzia e la registraziun da sezs existents vegn pretendiu negina taxa.

Suprastonza communal Breil
Uffeci forestal Breil